

四庫全書

史部

欽定四庫全書

史部

畿輔通志卷五十二

詳校官監察御史_臣劉人睿

檢討_臣德生覆勘

總校官進士_臣繆琪

校對官中書_臣范鏊

謄錄監生_臣戴朝琛

欽定四庫全書

畿輔通志卷五十一

寺觀

順天府

慈仁寺

在廣寧門內大街明憲宗為孝肅周太后

弟吉祥建有二松相傳金時植後有毘盧閣左有

槐樹又有遼乾統二年尊勝石幢尚在析津日記

俗呼報國寺蓋先有報國寺在寺西北隅也每月

朔望二十五日有市甚盛

海會寺

在府東南明穆宗受釐之地萬歷中增修

愍忠寺

在府西南唐貞觀十九年太宗憫東征士

卒於幽州城內建憫忠寺中有高閣諺云憫忠高

閣去天一握是也東西有磚塔高可十丈云是安

祿山史思明所建又有唐重脩舍利記二蘇靈芝

行書寶塔頌俱存

本朝康熙年

聖祖御書匾額曰大雄寶殿曰覺路津梁曰不二法門曰藏

經閣凡四處

觀音寺 在府西南五里玉河鄉中有杭州上天竺

觀音大士古像明天順成化間相繼重修

本朝康熙年

聖祖御書寄興高遠四字

仙露寺 在府南菜市西地名千邑遠時建

功德寺 在府西即元護聖寺也有古臺三相傳元

主遊樂更衣處

清化寺

在府東明宣德壬子建正德癸酉重修

隆善寺

在府西北明宣德中建賜額

大慈恩寺

在府西海子上舊名海印寺明宣德四

四年重建改今名

靈雲寺

在府南十里明天順元年賜額

大覺寺

在府西北三十里明宣德二年改建正德

十三年重修

法林寺 在府西南十二里舊名竹林寺明景泰四

年改建

淨明寺 在府西南三十里明宣德八年改建

寶林寺 在府西南四十里明正統二年改建

萬福寺 在府西南五十里明正統二年改建

清涼寺 在府西三十里舊名盧師寺明正統十一

年改建

五華寺 在府西四十里舊名圓殿寺明宣德三年

改建後又改廣惠寺

法海寺 在府西四十里舊名龍泉寺明正統四年

改建

本朝順治年

世祖御書敬佛二字

廣通寺 元為法正寺在府西北二十里明正統五年重修

壽光寺 在府西北三十五里舊名震音寺明正統

十三年改建

碧雲寺

在府西元耶律阿勒錦建明正德十一年

內監于經拓之為寺巖下有泉從石罅中出淙淙
若琴筑亭曰聽水佳處亭前有池種白蓮百本池
邊修竹成林明神宗題水天一色

本朝康熙十七年

聖祖御書激湍二字

戒壇寺

在府西西山最深處唐武德中建舊名慧

聚明正統間易名萬壽

本朝康熙十七年

聖祖御書清戒二字賜焉

按辛齋詩話西山巖麓無處非寺遊人登覽類
不過十之二三爾王子衡詩西山三百七十寺
正德年中內臣作何仲默詩先朝四百寺秋日
徧題名鄭繼之詩西山五百寺多傍北邙岑其
後增建益多難更僕數今止就耳目所最著者

標出餘不悉載

明因寺 在天壇北明天順中建中有釋貫休所畫

羅漢十六軸董其昌書佛成道記

慈源寺 在三里河南明正統初建成化中重修

天慶寺 在慈源寺西原遼永泰寺元至元壬申重

建明宣德中重修

安國寺 在天慶寺西明天順元年建

竹林寺 在宣武門外遼清寧八年楚國大長公主

捨私第為之賜名竹林

長椿寺

在宣武門外西南明萬歷四十年孝定皇

太后建以居水齋禪師寺有滲金多寶佛塔高一丈五尺

千佛寺

在德勝門北明萬歷初孝定皇太后建

廣恩寺

在德勝門遠為奉佛寺在白雲觀西南明

正統間改建

真覺寺

在阜城門外明永樂中建成化九年詔累

石臺高五丈上列塔五各高二丈

雙林寺 在阜城門外二里明萬歷四年建

慈慧寺 在阜城門西二里萬歷八年蜀僧愚庵創
後有蜘蛛塔蜀太史黃輝有碑記其事

慈壽寺 在阜城門外八里莊明萬歷丙子為慈聖
皇太后建賜名慈壽勅大學士張居正撰碑有塔
十三級又有寧安閣閣榜慈聖手書後殿有九蓮
菩薩像

定慧寺 在阜城門外八里莊西康熙年

聖祖勅建

廣通寺 在西直門外康熙年

聖祖勅建

御題匾額曰抱釜恩曰息心淨行曰慈燈普照凡三處

萬壽寺戒壇 在西直門外七里廣源閘之西明萬
歷五年建即唐聚慧寺寺懸永樂時所鑄大鐘內
書華嚴八十一卷名曰華嚴鐘

本朝康熙五十二年

聖祖勅修

御製碑文禁止採鑿煤窑勒石以垂不朽焉

應真寺 在西直門外舊名五塔寺康熙年重修

極樂寺 在西直門外高梁橋西三里元至元間建

韋公寺 在左安門外二里明正德時常侍韋霽建

亦名宏善寺

法藏寺 在右安門外東南隅舊名彌陀寺金大定

中建明景泰二年改建今名北地多風故塔皆實
惟此寺彌陀塔可登

天寧寺 在廣寧門外元魏孝文時建名光林寺隋
仁壽間曰宏業寺建塔藏舍利唐開元中改曰天
王寺金大定中改大萬安寺明宣德中改天寧寺
正統中改萬壽戒壇今仍名天寧寺內有塔高十
三尋四周綴鐸以萬計音無斷絕

清梵寺在

暢春園東康熙年

聖祖勅建

御題匾額

溥仁寺在

暢春園西康熙五十二年

聖祖勅建

御製碑文以紀焉

恩佑寺在

暢春園東北隅雍正元年建

佛泉寺 在黑龍潭西舊名大覺寺雍正二年奉

勅重建

賜額佛泉

弘光寺 在香山明宣德中內侍鄭同建同高麗人

倣其國毘盧殿制作圓殿門內松徑盤折最為幽

勝

本朝康熙年

聖祖御題匾額一曰慈雲常蔭一曰光明三昧

延壽寺

在韓家山明永樂時內臣剛鐵靖難葬此

顯應寺

俗呼皇姑寺明正統八年駕出紫荆關親

征額森陝西呂尼叩馬諫而死及復辟乃為建寺

賜額保明寺

本朝康熙年

聖祖勅修

御製碑文勒石以紀

御題匾額曰杖泉花雨曰水心栢子曰挂衲翻經凡三處

香山寺

在宛平縣香山金大定中建明正統間內

侍范宏重修或云即金章宗會景樓也山有祭星

臺護駕松夢感泉皆章宗遺跡有二碑載遼中丞

阿勒錦捨宅始末左側有軒明神宗題曰來青軒

本朝康熙十六年

聖祖御書普照乾坤四大字後有藏經閣

聖感寺

在宛平縣平坡山上元建平坡寺明宣德

中改名圓通

本朝康熙十六年

聖祖御題匾額一曰聖感一曰敬佛一曰制毒龍復

御製碑文以垂不朽

按緱山集由常明庵出杏子口至平坡寺所謂
盧師清涼翠微善應靈光諸寺皆在焉

嘉禧寺 在宛平縣杏子口西又東三里有福田寺

潭柘寺 在宛平縣潭柘山相傳本青龍潭開山時

青龍避去潭平為寺燕人諺云先有潭柘後有幽
州此寺之最古者天府廣記云即晉之嘉福唐之
龍泉寺也亦名岫雲寺

本朝康熙年

聖祖勅修

御賜匾額曰清淨莊嚴曰天王殿曰毘盧殿曰戒壇曰大悲
壇曰翠嶂丹泉曰香林淨土曰倚松恬澹曰松竹
清泉曰松竹幽清凡十處

華嚴寺

在宛平縣裂帛泉南左有洞曰翠華中有

石林可憇息明正統中建

玉泉寺

在宛平縣玉泉山又西有補陀寺北有金

山寺

壽安寺

在宛平縣壽安山本唐兜率寺殿前有二

娑羅樹相傳來自西域元至治元年建中有卧佛

二亦名卧佛寺

棲隱寺

在宛平縣仰山金大定十二年建

昊天寺

在宛平縣西金大定四年建明正統四年

王振修改名隆恩寺

鷺峰寺

在宛平縣西城牆畔即唐淤泥寺鷺峰者

唐僧之號也有貞觀二十二年唐人所書心經石刻尚存舊供旃檀佛相以異著聞元學士程鉅夫有記今在

皇城內旃檀寺中

法雲寺

在宛平縣金山口二十里妙高峰下寺有

雙泉滙於方塘曰香水金章宗設八院之一也草

際有碑題香水院三字尚存

圓教寺 在宛平縣西城康熙年

聖祖御題匾額一曰日映金雲一曰真如境

弘恩寺 在良鄉縣康熙五十六年

聖祖御書匾額曰大願慈航復

御題七言律詩一首勒石以紀

壽因寺 在良鄉縣康熙五十七年

聖祖御書匾額一曰花臺止水一曰大悲慈航

天王寺

在良鄉縣治東南置僧會司於內

護國寺

在良鄉縣琉璃店東北

三佛寺

在固安縣治西置僧會司於內

龍泉寺

在固安縣知子營

精嚴寺

在永清縣北街置僧會司於內

三塔寺

在永清縣城外東南唐時建武后時石幢

尚存

隆慶寺 在永清縣西遼乾統九年建

定覺寺 在東安縣西北七十里常道鄉唐垂拱三年賜額遼天慶間復建金大定元年重修

廣善寺 在東安縣治即唐靈應寺明宣德中重建
正統十四年賜額

寧國寺 在東安縣留犢里金大定二年建

淨安寺 有二一在東安縣惠化鄉明宣德八年建
一在通州治東南金大定十三年建明萬歷間修

廣嚴寺 在東安縣西邑人孟仕仲捨宅改創明崇

禎十四年修

本朝康熙十年重修

靈巖寺 在東安縣東北五十里鳳河之南金大定

五年僧洪寶建

隆興寺 在香河縣治西

本朝康熙八年重修

鐵佛寺 在香河縣東南

靖嘉寺 在通州治東舊名慈恩寺元至元二年建

明初置僧正司於內

佑聖教寺 在通州舊城內西北隅浮圖十三級創

於唐貞觀七年歷五代遼金元而始成為州之巨

觀

寶通祿寺 在通州新城南門外明天順七年重建

賜額

太平寺 在通州新城西門外元至正時重修

給孤寺

在通州城東元至正間建

廣濟寺

在寶坻縣西街置僧會司於內

洪福寺

在寶坻縣平正橋西北古刹也層閣高聳

虬松遶陰渠水經其前

香巖寺

在昌平州永豐屯舊名彌勒院

本朝康熙五十九年重建改今名殿中

聖祖賜額菩提二字復

御製碑記

勅侍讀王圖炳書以勒石焉

瑞光寺 在昌平州治後明成化十年建

神壽寺 在昌平州新城內

昭聖寺 在昌平州治西北唐乾符中建

普雲寺 在昌平州西北湯峪川遼天慶間建

香水寺 在昌平州西南漢建武五年建

上方寺 有二一在昌平州南一在州境駐蹕山上

有十八盤

流沙寺

在昌平州鞏華城北門外元皇慶中建

遊覺寺

在昌平州漢中興時建

聖壽寺

在昌平州東北唐乾符六年建

法華寺

在昌平州東北四十里銀山鐵壁之麓一

名大延聖寺金天會三年建明正統十二年重修

寶雲寺

在昌平州駐蹕山

昭化寺

在昌平州南五十里玉泉山麓泉石清

潔可愛

鐵壁寺 在昌平州銀山鐵壁下

龍興寺 在密雲縣北唐時建元大安中重修俗名

鉅塔寺明洪武十六年置僧會司於內

本朝康熙四十一年

聖祖賜額龍興寺

御書匾額廟前曰洛伽仙境正殿曰般若相真武閣曰神武

鎮

御書房曰橫翠凡四處

香巖寺

在密雲縣東二十五里元至正中建內有

銀杏一株俗名白果

大安寺

在密雲縣東北五十里舊名白猿院北齊

五年建金永安四年重修

普濟寺

有二一在密雲縣東北八十里遼天統五

年建靖寧二年重修內有顯公和尚祠一在霸州

東門外元至正二年建置僧正司於內

觀雞寺

在密雲縣東北一百八十里霧靈山下有

觀雞仙人蹟

硯堂寺

在懷柔縣東八十餘里漢時建名曇泉寺

明正德己卯改今名

資福寺

在懷柔縣北十五里紅螺山麓舊名大明

寺金皇統初建明正統中重修

定慧寺

在懷柔縣北十八里山麓寺中建萬壽齋

天二塔今塔廢

福聚寺

在涿州北挾河村康熙五十四年

聖祖賜額六十年重修

勅內閣學士蔣廷錫撰文立石以紀

雲居寺 在涿州東北隅內有浮圖高二十餘丈周

圍三十餘步

智度寺 在涿州雲居寺前內有浮圖高二十餘丈

周圍三十步又一臺高二丈廣百五十步唐時建

碑刻尚存

普壽寺 在涿州東三里一名清涼寺內有浮圖高

十丈又一臺高二丈餘周圍二百步

延壽寺

在涿州北十里湖梁店明萬歷三十四年

僧道安建置僧正司於內

福勝寺

在房山縣東北明洪武間建置僧會司於

內

木巖寺

在房山縣西南十八里梁天監中建明嘉

靖中重修

上方寺

在房山縣南五十里即兜率寺兩崖之間

鑿石為磴攀絙而上山峰環列絕頂有泉如斗汨
汨不窮

寶巖寺 在房山縣瓦井村

雲居寺 在房山縣石經山下寺有唐開元十年石

浮圖銘開元二十八年山嶺石浮圖後記今並存

南麓即西天寺塔下有石經窟其後則香樹林

靈集寺 在文安縣莊頭村內有浴佛庵藏經閣後

有漢時古檜二株

興國寺 在文安縣柳河

觀音寺 在大城縣城內西北坊明正統中立僧會

司宏治己丑重修

海月寺 有二一在大城縣南四十里李坦鎮明成

化二十年建一在縣北十五里樓堤村明嘉靖二

十五年建

獨樂寺 在薊州治西始建未詳遼時重修中有傑

閣設十一面大士像

雲泉寺

在薊州城東南十里

香林寺

在薊州城北二里翁同鸞泉流峙左右為

薊之最勝處

千像寺

在薊州北二十里九華峰下唐開元中建

於石上刻千像故名又名祐唐寺

雲草寺

在薊州盤山之巔舊名降龍菴唐道宗太

師建明萬歷賜今名東嶺有舍利塔又有黃龍祖

師殿每歲除有佛燈之異

本朝康熙十七年

御書盤山秀峰四字

普濟寺 一名甘泉寺在薊州中盤唐太和中僧曉
芳結茅於此遼金元重修

本朝康熙中僧明德增葺

聖祖有事

園陵嘗駐蹕於此題詩中盤因勒石於殿左侍郎沈荃碑

記

感化寺

在盤山舊名寶積寺唐貞元中建明成化

年賜名廣濟寺

天成寺

在盤山唐建遼名福善寺

香水寺

在盤山唐建有盧綸碑記

雙峯寺

在盤山有石碣載唐貞觀中尉遲敬德監

造明萬歷中重修

雲靜寺

在盤山原名靜業菴

本朝康熙四十三年

聖祖勅賜為雲靜寺淨室內奉

御書清風二字

萬松寺 在盤山原名李靖菴

本朝康熙四十三年

聖祖勅賜為萬松寺

盤谷寺 在盤山即青溝禪院康熙十年僧智朴建

中有秋月堂侍郎沈荃書四十三年

聖祖勅賜為盤谷寺

正法寺 在中盤康熙年僧大博修葺殿前有

聖祖御書碑方丈

御書門外一峯四字

少林寺 在中盤元至元時建明成化嘉靖年修

本朝康熙年僧本住增葺

開仁寺 在熱河小南門康熙年

聖祖賜額

靜妙寺 在熱河藍旂營康熙年

聖祖賜額

安禪寺 在熱河十八里汰康熙年

聖祖賜額

星龕巖寺 在熱河小營康熙年

聖祖勅建大殿

御書星龕巖三字

峭壁寺 在熱河化育溝康熙年

聖祖御書匾額正殿曰天半香林八角亭曰森萬象

宮覽寺 在熱河哈喇河北康熙四十三年

聖祖賜額有

御製碑記近寺又有琳霄觀坊樓上

聖祖御題匾額一曰興州勝境一曰紫塞春臺

溥仁寺 在熱河河東康熙五十二年

聖祖賜額復

御製碑文勒石以紀

菩薩寺 在熱河廣仁嶺殿中有

聖祖御題匾額曰妙德慈光

臨泉寺 在平谷縣東高村東遼時建嘉靖二十七年重修俗稱高村寺

香嵐寺 在平谷縣漁子山寨南二里金明昌三年建明嘉靖二十四年重修俗稱獨波峪寺

慈福寺 在平谷縣山東莊西北十五里明正統九年建正德四年重修俗稱山東寺

禪林寺 在遵化州五峯山殿角有碑剝蝕猶姚秦

時重修文也姚秦稱瑞雲山雲昌寺遼改今名山
畔懸石曰雞鳴石近寺古松夾徑極峯嶺溪壑之
勝

福泉寺 在遵化州西北唐貞觀年建今呼為湯泉
寺

資福院 在安定門外康熙六十年

聖祖勅建

御製碑文以垂不朽

慈育院 在宛平縣

聖祖御題匾額一曰慈育羣生一曰鹿苑星龕

廣福禪院 在東安縣西北五十里金天會中建

大悲禪院 在東安縣閻家堡金天會六年修

石鐙菴 在府西南隅舊名吉祥寺明萬歷丙午重

修掘地得石幢式如鐙臺上刻唐人所書般若心

經一部改名石鐙菴

晉陽菴 在宣武門外有古銅大士像高三尺餘下

有款識云大唐貞觀十四年尉遲敬德監造後移
受水塘古佛菴菴壞移稽山會館

摩訶菴 在阜成門外八里莊明嘉靖丙午建

雀兒菴 在潭柘寺後金章宗彈雀於此即行幄建
菴

聖水菴 在遵化州南

清芳菴 在

圓明園東雍正元年

勅建

天仙廟 在

圓明園西雍正元年

勅建

玉皇廟 在宛平縣

聖祖御書匾額曰萬象同瞻

碧霞元君廟 在左安門外東南弘仁橋明成化中

建

按都人最重元君廟其在西直門外萬泉莊者
曰西頂康熙四十七年

聖祖勅修

賜額廣仁宮在永定門外者曰南頂在草橋者曰中頂在東
直門外者曰東頂在安定門外者曰北頂各府州
邑皆立祠祀遵化州景忠山元君廟

世祖勅修懷柔縣髻髻山元君廟康熙四十三年

世祖御書匾額曰敷錫廣生五十二年復建玉皇閣

御書匾額曰清虛真宰俱有

御製碑文勒石以紀此外則涿州之北關春秋廟曾男女弁

趨絡繹素稱最勝

龍尊王佛廟 在昌平州湯山中

聖祖勅建有

御製碑記

元靈宮 在

南苑順治年

世祖勅建

朝天宮

元之天師府也在府西明宣德間改建凡

大朝賀於此習儀

靈濟宮

在西長安門稍北明永樂十五年文皇有

疾夢二真人授藥疾頓瘳乃勅建祀封玉闕真人

金闕真人有英宗御製碑記

崇真萬壽宮

在府南蓬萊坊元至元中建賜額俗

名天師菴

靈佑宮

在府南山川壇後

昌蓮宮

在南直門外 御河橋南康熙五十二年

重修

瑞雲宮

在房山縣西北二十餘里金太祖陵側今

址遺址尚存

隆陽宮

在房山縣西南石窩店南明時建

神樂觀

在天壇西南明永樂十八年建處樂舞生

之有事於郊廟者領以提點知觀隸太常寺

延祐觀 在府東明洪熙七年建

崇禎觀 在府正東坊明內監張政捨宅改建正統

十四年賜額

清虛觀 在府北日中坊明景泰二年建相近有廣

福觀

五嶽觀 有二一在府北明宣德中建一在文安縣

東

白雲觀 在府西南西便門外舊名太極宮金時建

太祖聞東萊邱處機有道行召對皆敬天愛民之言太祖嘉納之命居於此改名長春宮明正統間重修改今名都人正月十九日致酌祠下謂之燕九節

聖祖賜額曰紫虛真氣曰大智寶光曰駐景長生曰琅簡真庭凡四處

玉虛觀 在府西北十五里明正統時總兵石亨捐建

靈應觀 在玉泉山東南依崖壁間為之前累石為臺臺下甃方池池上有小室揭曰靈淵又前有小溪環抱景最幽奇

佑民觀 在通州張家灣內有玉皇閣明嘉靖十四年從道官周從善請賜觀名佑民閣曰錫禧

慶峯觀 在密雲縣南元時建明洪武十六年道人郭東峯重修

清都觀 亦名洞真觀在密雲縣西北十里金大安

二年道士杜宗道建元至元時改為洞真宮明洪武二十一年置道錄司居者百餘人

霞峯觀 在密雲縣北四十里元初道士魏志和建延祐五年周道昌重修

棲雲觀 在薊州盤山紫峯下興壇明秀號曰中盤延祥觀 在平谷縣東北二十里元至元中邱長春過此觀中有枯栢捫之復榮

永平府

隆教寺 在府城南一里明洪武初僧吉巖建景泰

五年勅賜寺額

本朝順治六年都御史蔡士英重修規模壯麗為永平

第一名刹

開元寺 在府城南臺山上明永樂七年僧洪聲建

弘治中僧本玉重修

白雲寺 在府城北三十里安山元時建明正統間

重修勅賜寺額

白塔寺

在府城西八里元時建

宣覺寺

在遷安縣東金時建設僧會司於內

清寧寺

在遷安縣南十五里金時建明正統十年

重修

聖泉寺

在遷安縣南龍泉山以禱雨有應而名

大雲寺

在遷安縣西南唐時建中有大松生於石

井

金山寺

在遷安縣西北金山下臨灤水晚霞掩映

色如浮丹

開福寺 在遷安縣北明宣德中建

松棚寺 在遷安縣之白道子嶺有古松蔭畝許故名

秋月寺 在撫寧縣北天馬山西嶺上明嘉靖中建
山舊無泉邑人楊爾祚創僧舍鑿井得泉有三魚
純白立石紀之

金峯寺 在撫寧縣北明正統四年建

望海寺 在撫寧縣東南五十里山崖傍鑿有佛像

三

雲崖寺 在撫寧縣東北五十里卧龍灘之濱

崇興寺 在撫寧縣山海關西北

溫泉寺 在山海關西三十五里有溫泉因名

源影寺 在昌黎縣治西北二百步不知所始中有

塔有井井在塔下其水獨重而甘

道者寺 在昌黎縣西北道者山

休涼寺

在昌黎縣北仙人臺西上水巖有天池冬

夏不竭

仙化寺

在昌黎縣北上水巖前井兒峪松柏若海

濤萬頃其突如盤谷羣峰環之

寶峰寺

在昌黎縣北八里俗名水巖寺有唐佛頂

尊勝幢記開元灌頂國師不空奉詔譯遼保寧元

年立石

廣福寺

在灤州南門外金大定中建

法寶寺 在灤州南十里遼時建

蓮臺寺 在灤州南二十里唐時建

白馬寺 在灤州南二十里金大定中建

延慶寺 在灤州南三十里唐時建

清水興國寺 在灤州南五十里元至正中建

勝巖寺 在灤州南五十里元至順中建

雲居寺 在灤州西南四十里金大定中建

畢家寺 在灤州西南七十里遼乾統中建

壽聖寺

在灤州西南八十里元至正中建

洪覺寺

在灤州西南九十里金大定中建

魯家灣寺

在灤州西南一百里唐時建

華巖寺

在灤州西五十里遼壽昌中建

魏峰山寺

在灤州西五十里金時建

西套里寺

在灤州西七十里遼壽昌中建

黃土院寺

在灤州西七十里

風山寺

在灤州西八十里遼時建

興福寺 在灤州西九十里金大定中建

興國寺 在灤州西一百十里唐時建

薦福寺 在灤州西北金時建古松二株枝幹連屬

其下可坐百餘人

偏涼寺 在灤州北五里橫山東明景泰中建其寺

山水環注林壑幽勝

福巖寺 在樂亭縣西北隅元至元中建

隆迴寺 在樂亭縣西南四十里唐貞觀中建

鶴天寺

在樂亭縣西南二十里元至元中建

靈澤寺

在樂亭縣西二十五里金明昌中建

淨業寺

在玉田縣置僧會司於內

觀音寺

在玉田縣東八里獨樹莊相傳建自唐時

西南隅有酸棗一株大數十圍枯而復榮歷久愈

茂至今結實離離然

天宮寺

在豐潤縣西南三里遼清寧初建有塔一

十三級初名南塔院壽昌三年賜額極樂院金與

宋修好行府悉寓於此天會五年勅加天宮寺

本朝康熙二十三年重修

弘法寺 在豐潤縣治西唐顯慶元年建明初有古鐘甚大自還鄉河流下居民取之建樓懸之今置僧會司於內

甘泉寺 在豐潤縣北二十里元至正中修

觀雞寺 在豐潤縣北四十里寺內大堂可容千僧

翠峰寺 在豐潤縣北五十里水潞村金貞祐初建

中有二石柱雕八龍天將雨龍頭晶晶有水珠居
民遇歲旱輒往占候

通明宮

在遷安縣東三里元時建明景泰中千戶

侯賀增修弘治中道士金得長薛洞庭重修

棲雲宮

在遷安縣西三十里唐貞觀時建

紫陽觀

在府治東南

昊天觀

在遷安縣東南陽明洪武初道士楊柏川

建萬歷間指揮彭萬里重修設道會司於內

上清觀 在遷安縣西北一百里宋時建

尋真觀 在撫寧縣北二十里桃花峪內有紫霞洞

小蓬萊閣 每花時遊觀者無虛日

保定府

永寧寺 在府治南元中統二年建貯佛經五百卷

清覺寺 在府治東南元至元間建置僧綱司於內

崇慶寺 在府城北關外元至正中建東廡下有太

槐可十圍元時所植

淨土寺

在府治西創建無攷

靈雨寺

在府治西關外

延慶寺

在清苑縣東閭村漢永昌中建

壽聖寺

在清苑縣百塚村北齊建原額智雲宋改

今名

大覺寺

在滿城縣北金天會中僧圓宗為菴奉母

大定間拓為功德院明洪武初易名曰寺置僧會

司於內

石佛寺 在滿城縣南唐貞觀中建

環山寺 在滿城縣北元至元中建

龍泉寺 在滿城縣東故老相傳建自隋唐四無牆

垣古木森列後有雞距泉右有紅花泉上通一畝

泉河水環繞為游賞勝地

聖教寺 在滿城縣西抱陽山下隋時寶教院也唐

張說增修

定惠寺 在滿城縣抱陽山上隋開皇中建唐大歷

中始成左有精舍上有寶坊

興國寺 在安肅縣東明洪武時建置僧會司於內

永安寺 在安肅縣高林營內貯藏經一部

鐵瓦寺 在定興縣南四十里明正德九年僧高德

真建屋瓦羅漢皆鐵冶故名

永傳寺 在定興縣東江村明楊繼盛讀書處

萬壽寺 在定興縣西江村明鹿善繼講學於此禪

室皆寓生徒僧行亦尚儒雅書聲達旦者三十年

沙邱寺 在定興縣石柱村明天啟六年地震柱頂

上石落地一夜完好如初人皆以為神力

開善寺 在新城縣城內東南隅

興福寺 有二一在新城縣東十五里一在新城縣

西五里

聖壽寺 在唐縣東關唐龍朔中建

風山寺 有二在唐縣西唐河畔一在山上 一在山

麓金大定中建

法果寺 在唐縣西寺前有塔唐垂拱中建高數十

丈

靈源寺 在唐縣北靈源山唐上元二年建

甘露寺 在唐縣北馬耳山前相傳有石曰烏臼二

禪師居此

延禧寺 在唐縣東南隅明萬歷間勅建一名十方

院

醴泉寺 在唐縣西南

宛陀寺

在唐縣西北父子山南

柏巖寺

在唐縣西北柏巖山下有柏巖禪師詩竝

賈島詩刻石

靈光寺

在博野縣東南宋村唐高宗建塔賜名明

洪武中重建

彌陀寺

在博野縣西金大定間建

雲巖寺

在博野縣西北明洪武中建寺中有古柏

壽聖寺

在慶都縣治西明洪武中建

天寧寺 在完縣南舊有寶塔明初塔壞王淮增修
之名天寧寺置僧會司於內

崇光寺 在完縣北唐貞觀中建內有方石長三尺
面皆黃雲識者言中有美玉明易州道以百人取
之不能動今仍存

白馬寺 在完縣東八里創建無攷隋孔德紹有遊
北平白馬寺詩

演法寺 在完縣西寺北有大悲山層巒聳翠南有

筆架山青峰插天中建道場規模壯麗寺外泉潺
潺石峽關鎖為西山第一叢林

稽古寺 在完縣西十六里唐開元中安國侯陳思
傑因三藏法師元奘葬母骨於此建寺名寄骨後
有三藏舍利塔明天順間重修易名稽古寺

法雲寺 在完縣城內東北隅城垣圍繞古木森列
西臨蓮池幽靜絕塵

太子卷 在完縣伊祁山山有龍潭世傳梁昭明太

子得道處成化時僧通玉建

雙泉寺 在完縣西北小黃峪村周圍山列如屏寺

畔雙泉噴湧故名創建無攷明嘉靖中重修

寶寧寺 在蠡縣治西南隅元至元二年建明洪武

二年重修成化間重修有鐵佛一尊高二十四尺

獅子長十八尺

上清涼寺 在蠡縣西南元至元中建

臺頭寺 在束鹿縣治西北元泰定中建

珍珠寺 在東鹿縣舊城創建無攷

本朝順治十八年重修置僧會司於內

永慶寺 在東鹿縣北宋皇祐五年建

天寧寺 在安州治北後魏時建元廢明宣德中重

建

古塔寺 在安州邊吳村後魏時金衣僧人建

昊天寺 在安州曾家村隋唐古刹明宣德間重修

興德寺 在高陽縣孟仲峯宋熙寧時建明洪武中

重修

楞嚴寺

在高陽縣趙通村有浮圖宋宣和中建明

宣德中重修

天雲寺

在高陽縣李郎鄉元至正間建明正統中

重修其經始時有慶雲見天際因以名寺

開元寺

在高陽縣東舊城隋大業間建

金山寺

在高陽縣東二十五里唐開元中建明正

統成化間相繼重修

福興寺 在高陽縣東南四十里宋祥符中建

壽恩寺 在高陽縣東南二十五里宋咸平間建明

正統中僧文澄重修

淨業寺 在新安縣西十八里唐大德七年建即古

三臺城遺址明宣德六年重修

保安寺 在新安縣北明隆慶中建有塔高數十丈

靜念寺 在新安縣西北金章宗元妃香火院明宣

德間重修

沛恩寺 在新安縣康熙年

聖祖賜額

五龍宮 在蠡縣城西隅前有池名聚龍池

北極層觀 在安肅縣故遂城北宋楊延朗建延祐間重修左置臨瀑亭

天慶觀 在安肅縣東北宋祥符時修

建福觀 在定興縣百樓村其地即漢公孫瓚避世築城以自固者由唐及宋遺址猶存金始為道院

聚仙觀 在定興縣東唐開元時建

九陵觀 在唐縣西七十里葛洪山前宋政和元年

建

玉華觀 在唐縣西十五里

本朝順治三年重修

老人觀 在祁州東南志載宋時定州王老深州趙

老晉州李老趙州馬老祁州馮老五人創造殿宇

以生鐵鑄瓦梁棟繪五綵因名

河間府

資勝寺

在府治東明洪武中因舊重修

金剛寺

在府城興義坊今惟塔存

潮海寺

在府城西北二十五里台頭村唐貞觀中

建

景夢寺

在府城西北大同衛東塔在民舍中元至

元間建

福泉寺

在獻縣治西明洪武初建永樂三年重修

白鶴寺 在獻縣又名白馬寺唐沈佺期有樂成白

鶴寺詩

勝業寺 在阜城縣西南明洪武中建

金燈寺 在阜城縣東北

能仁寺 在肅寧縣治東明永樂間建

福田寺 在肅寧縣東南二十里

度釋寺 在任邱縣西漢時建明嘉靖甲午移城中

水月寺 在任邱縣石門營唐時建

青雲寺 在任邱縣西大務金大定間建

開元寺 在任邱縣鄭城東南唐開元間建

興化寺 在交河縣西北唐貞觀初建明洪武間重

建正統初重修又東北有興華寺福海寺

化城寺 在交河縣薛家窩地方

本朝康熙四十二年

聖祖賜額

寶林寺 在寧津縣東

龍泉寺 在寧津縣治東北舊名海螺寺明洪武年

建

開福寺 在景州治西北明洪武中建前有古塔隋

文帝造

安興寺 在景州孫家鎮

大乘寺 在吳橋縣治西南明宣德年建

天臺寺 在吳橋縣北

燈明寺 在東光縣東

普照寺

一名鐵佛寺

在東光縣西南隅明永樂中建有

鐵佛長二丈五尺圍一丈五尺

天津府

海光寺

在府南關康熙四十四年建初名普陀寺

五十八年

聖祖賜額今名殿內

御書隨處潮音四字匾額官商捐金修葺殿宇弘敞四圍植

柳萬株

孤雲寺 在府城外舊名白廟

本朝康熙四十八年

聖祖賜額曰孤雲寺

湧泉寺 在府南門內

望海寺 一在府城外河北岸一在利民場畢孟鎮

西二十里一在越支場宋家營西北三里一在濟

民場

興國寺 在青縣故興濟縣東南一里明宣德九年

僧悟諒創建

洪音寺 在青縣東北

觀音寺 在青縣古城明宣德成化年修

湧泉寺 有二俱在靜海縣一在大直沽一在小直

沽明成化渡此宣宗征樂安州渡此錫金幡二

桃灣寺 在靜海縣東南

開元寺 在舊滄州城內有鐵獅子相傳周世宗時

有罪人鑄以贖罪今寺廢獅亦殘缺

水月寺 在滄州西南周廣順中建明宣德中移建
州北五里正統中建千佛閣嘉靖中於閣下鑄大
佛三尊高丈八尺

封禪寺 在滄州城內周廣順三年張藏英來歸太
祖令館於封禪寺

興化寺 在南皮縣治東北隅明天順五年建

福泉寺 在鹽山縣大南門內偏東明洪武間建寺
前有井甘而冽故名舊在小南門外弘治間移建

今處

玉佛寺 在慶雲縣內有玉彌勒二像法相莊嚴一

為北齊天保八年造一為武平六年造

天宮寺 在慶雲縣西南隅唐太和中建

靈慈宮 在府河東元至元間建

崇真宮 在青縣故興濟縣東弘治十一年勅建

天妃宮 在靜海縣宋宣和中遣使高麗中流遭風

賴神以免使者歸上其事於朝詔立祠有邱濬碑

記

朝陽觀

在府城內

丹陽觀

在府治西南

太虛觀

在府東南明成化間建

永保觀

一名吳天觀

在滄州南關明萬歷年原設運學

後改今觀

畿輔通志卷五十一

欽定四庫全書

畿輔通志卷五十二

寺觀

正定府

隆興寺 在府治東一名龍興寺又名大佛寺隋開

皇六年建初為龍藏寺創建之日天降異香恒山

刺史鄂國公王孝僊有碑記大殿內有張公禮龍

藏寺碑宋開寶四年於寺北重建後有大悲閣內

鑄銅佛像高與閣等宋太祖曾幸之繪像於閣西
元大德五年重修有趙孟頫聖主本命長生碑明
萬歷四年修大悲閣

本朝康熙四十八年

聖祖勅修五十二年

御製碑文勒石以紀寺內

御書匾額曰隆興寺曰天王殿曰大覺六師之殿曰慈雲普
廡曰摩尼殿曰廣長妙諦曰妙莊嚴域曰通津寶

筏曰戒壇曰慈氏閣曰轉輪藏曰佛香閣曰御書
樓曰集慶閣曰伽藍殿曰祖師殿曰彌陀殿曰藥
師殿曰靜業堂凡十九處

天寧寺 在府治東唐咸通初建前有木塔九層明
天啟二年賜額

本朝順治三年重修

開元寺 一名解慧寺在府治南有磚塔魏興和二
年建唐乾寧五年重修寺鐘可聞十里許制亦迥

異蓋數千載物也

精嚴寺

在府城南唐天寶中建

洪濟寺

在府治北元泰定中建

崇因寺

在府治北明萬歷丁未年僧無疑募建內

貯佛經新舊各一藏

興龍寺

在府城北隋開皇中建

旃檀寺

在府城北唐天寶中建

臨濟寺

在府治東南後魏興和中建前有青塔

廣惠寺 在府治東南又名華塔寺唐貞元中建明

宣德中重修

廣福寺 在府城東南宋元祐中建

毘盧寺 在府城西南唐天寶中建

舍利寺 在府治西北唐開元中葬金牛禪師舍利

於塔下明太祖成祖相繼命江夏侯取二萬餘粒

成祖仍命新其殿塔

銅閣寺 在獲鹿縣南銅冶村

本願寺

在獲鹿縣北明正統中建

靈巖寺

在獲鹿縣西海螺山畔金賜額靈巖

微水寺

在井陘縣東三十里微水鋪

龍窩寺

在井陘縣西二十里內有龍窩石閣

顯聖寺

在井陘縣北隋開皇中建

福慶寺

在井陘縣東南七十里蒼巖山下隋開皇

中妙陽公主所建

莊嚴寺

在井陘縣東北五十里宋元豐中建

清涼寺 在井陘縣治西北明正統初建

溫湯寺 在阜平縣南宋元祐中建

龍泉寺 在阜平縣西元至正中建

普佑寺 在阜平縣

本朝康熙二十二年

聖祖御書松師禪三字

招提寺 在阜平縣

本朝康熙間

聖祖賜額

極果寺

在樂城縣城內明弘治中建寺有古槐高

數丈

本朝順治十三年重修

紅漆寺

在樂城縣東范臺村元至正中建

開業寺

在樂城縣西豆軀村元泰定中建

勝樂寺

在樂城縣東西陳村內有石佛像三相傳

為自來者明洪武中建

廣勝寺 在樂城縣北留村橋內有藏經等閣外有

磚塔四五足供游賞

善衆寺 在樂城縣東北二里有武臺相傳漢蒲

棘侯柴武之墓寺建於上土人謂之臺頭寺

封崇寺 在行唐縣治北北齊天保七年建宋祥符

初勅改今名

香蓮寺 在行唐縣北門外宋宣和間建

玩海寺 在行唐縣西北曲河村元大德中建

白佛寺

在行唐縣官莊村北齊天保中建

湧泉寺

在行唐縣西北高陵村宋宣和中建

般若寺

在行唐縣臺上村箕山下元大德年建

香巖寺

在行唐縣安鄉村金大定間建

香陰寺

在行唐縣協神村唐大歷七年建宋熙寧

十三年修

聖泉寺

在靈壽縣治西

兜率寺

在靈壽縣東北宋元祐中建

幽居寺 在靈壽縣西北一百二十里即祁林院有

北齊天保八年趙郡王高叡所立碑

福聖寺 在平山縣南有石塔宋崇寧間建明正統

中修

天寧萬壽寺 在平山縣覺山宋元豐元年建寺有

靈蛇二名大青小青相傳為龍種宋時禱雨有應

一封福應侯一封利澤侯至今種類不絕居八角

井中時出與僧人床榻相接旱則禱之

鎮海寺

在平山縣北十七里山頂上有大悲閣

瑜珈寺

在平山縣西八十里瑜珈寨上宋嘉祐元

年建

崇安寺

在平山縣西南宋元豐中建

開化寺

在元氏縣西南隅有浮圖二隋時建明洪

武及正德間屢有修葺

金山寺

在元氏縣東二十里曹村金大定間重修

凝禪寺

在元氏縣西北十里白婁村魏元象二年

修

寶峯寺

在元氏縣西十五里神巖山金大定二年

建

櫻桃院寺

在元氏縣西七十里

法會寺

在贊皇縣西門外宋太平興國四年建

法性寺

在贊皇縣西金天會中建

淨住寺

在贊皇縣南齊天統中建

治平寺

在贊皇縣東北嘉應村隋開皇中建

顯通寺

在晉州治東元至正中建

磐石寺

在晉州治西金時建

觀音寺

在晉州張村隋開皇中建

覺福寺

在晉州陳家莊唐貞觀中建

華嚴寺

在晉州宿生村宋紹聖中建

興國寺

在晉州四呂村元至正中建

留箭寺

在晉州箭鐔營西明永樂間建

清雲寺

在晉州河顯村元大德間建

壽寧寺 在無極縣治東牛村金大定中建

興國寺 在無極縣治西北齊天保中建

重寶寺 在無極縣南流村元至正中建

千佛寺 在無極縣北汪村宋元祐中建

法雲寺 在無極縣侯坊村唐貞觀中建

興國寺 在滎城縣東金大定中建

智矩寺 在滎城縣西九間城內唐上元三年建

龍泉寺 在滎城縣徐村西宋建

天臺寺

在藁城縣南清流村崇臺元至正中建

朝陽寺

在藁城縣治東南元至正中建

淨土寺

在藁城縣治西北

洪照寺

在藁城縣西南三十里唐總章中建

壽聖寺

在新樂縣治東南唐開元中建明永樂二

年修

文殊寺

有二一在新樂縣東田村元至元十年建

一在縣境畫壁村

定海寺

在新樂縣西何家莊東北唐神龍年建

興國寺

在井陘縣北七十里唐時勅建

龍門院

在井陘縣東北宋元祐中建

法輪院

在阜平縣東北齊天保中建

雲溪院

在阜平縣東宋元祐中建

玉泉院

在行唐縣西北玉泉村明洪武中建

西石堂院

在元氏縣封龍山西麓宋嘉祐中建有

石堂三泉自北石堂佛袖中流出味極甘

靜業菴

在藁城縣西北二十五里

白果塔

在晉州西北三里許相傳僧白果所建

五嶽觀

在晉州城東關北齊天保中建

羽化觀

在晉州城東北元至正中建

崇興觀

在藁城縣東南賈氏莊金元間重建

元真觀

在府治東北唐天寶中建

通仙觀

在井陘縣治北元至正中建

洞虛觀

在阜平縣北北齊天保中建

元都觀 在阜平縣大茂山上唐開元中建

太極觀 在樂城縣治東元至正中建

清虛觀 在樂城縣趙臺村宋元祐中建

王母觀 在行唐縣王姑莊隋開皇中建

朝元觀 在行唐縣許由疇元至正中建

太清觀 在行唐縣治東北隅明永樂中建

文山觀 在靈壽縣治北元至正中建

靜修觀 在平山縣治東林山金大定中建

清淳觀

在平山縣西六十里明洪武中建

修真觀

在元氏縣治北唐開元中建

迎祥觀

在贊皇縣治南

順德府

開元寺

在府治東北隅唐開元中建元世祖兩幸

於此建大聖塔有萬安師者能使甘泉出涸井後

詔大聖塔賜名圓照明洪武中重修

天寧寺

在府治西北唐開元中建宋政和間賜額

天寧萬壽禪寺元至元五年虛照禪師重修

淨土寺 在天寧寺東北隅元至正元年建

玉山寺 在府城東十五里宋崇寧間建

龍華寺 在府城西五十里元至正間建

石蘭寺 在府城西七十里元至正間建

靈巖寺 在府城西百里晉天福間建

聖覺寺 在府城西百里金大定間建

玉泉寺 在府城西北四十里馬鞍山下俗名黃寺

凌霄寺

在府城西北八十里宋元豐間建

禪華寺

在沙河縣東十里元至元間建

漆泉寺

在沙河縣廣陽山上

溫泉寺

在沙河縣西七十里宋太平興國間建

建福寺

在沙河縣南三十里唐天寶間建

延慶寺

在沙河縣西南三十里唐天寶間建

汎愛寺

在沙河縣西北唐時建置僧會司於內明

洪武中重修

圓通寺 在南和縣治東

金剛寺 在南和縣東三十里有石金剛像元至正

間建

慧炬寺 在南和縣北元魏時建

興福寺 在南和縣北十五里金大定間建有石佛

像

清泉寺 在南和縣東北十五里金大定二年建

常樂寺 在平鄉縣東宋天聖間建

普照寺

在平鄉縣東金大定間建

福勝寺

在平鄉縣治北明永樂中建

西福勝寺

在平鄉縣西柴村北齊時建

清涼寺

在平鄉縣北宋天聖間建

普應寺

在廣宗縣治東明洪武中建

青龍寺

在廣宗縣南唐貞觀二年建

南昌寺

在廣宗縣北元至正間建

文殊寺

在廣宗縣西北元至正間建

三明寺

在鉅鹿縣治南隋建宋宣和二年重修

彌陀寺

在鉅鹿縣西元至正間建

隆鉅寺

在鉅鹿縣西元至元間建

廣教寺

在唐山縣治西明洪武中建

樂善寺

在唐山縣西霍村元至順間建

經閣寺

在內邱縣南郊宋元祐間建

慈仁寺

在內邱縣金隄店

寶泉寺

在內邱縣河渠內唐永昌間建

梵雲寺

在內邱縣且停山下元至大間建

大覺寺

在內邱縣馮唐村元至元間建

崇勝寺

在任縣治東北明洪武中建

八寶寺

在任縣東北楊固村金大定間建

靈光寺

在任縣西驛頭村金大定間建

西明寺

在任縣西北十里金大定間重修

赫山九龍行宮

在府城南郊外知府張延庭建

黃梁宮

在內邱縣中邱驛西塑鍾離呂祖像

通真觀 在府治西南元至元間建

太子觀 在府城西三十五里世傳趙襄子為太子時射獵於此掘井得水後人肖像祀之

封爵觀 在平鄉縣項羽救鉅鹿大破秦師還行封爵賞築觀於此

大同觀 在廣宗縣大栢社元大德六年建

長春觀 在內邱縣西北八里永安村元至元間建有碑存

廣平府

保慶寺

在府治東南唐司空曙有遊保慶寺詩明

洪武五年重修

泉亭寺

在府城西五十里內有蓮池水泉常溢池

中建小閣

龍泉寺

有二一在府城外龍泉村一在廣平縣西

四十里唐末龍湫泛溢有記在邯鄲東上宋村

圓祥寺

在曲周縣馬遂店

段竹寺 在曲周縣冢上村

彌陀寺 在曲周縣十里疇

崇興寺 在肥鄉縣東二十五里西高村宋皇慶二年僧悟高建

興福寺 在肥鄉縣東三十里大靳村東魏武定元年建

崇福寺 在肥鄉縣東清漳村唐時建

天臺寺 在肥鄉縣西十五里天臺山巔

古瑟寺

在肥鄉縣西二十里孟家莊西趙演堡北

解脫寺

在肥鄉縣西二十五里張兒莊僧性滋建

文殊寺

在肥鄉縣治西南隅元泰定壬戌建明萬

歷初邑人李朝陽募銅萬斤鑄立佛於羅漢殿前

高二丈五尺

本朝康熙元年知縣焦服祖遷建城北

通惠寺

在雞澤縣治東北隅

華嚴寺

在雞澤縣西十五里黃溝村

千佛寺 在廣平縣東

崇福寺 在廣平縣東三十里唐建

景明寺 在廣平縣北張村

爆臺寺 在邯鄲縣東北二十里

竹林寺 在邯鄲縣東北三十里紫山上

佛光寺 在邯鄲縣西北

青塔寺 在邯鄲縣西霍北村

圖銘寺 在成安縣西十二里唐太極元年建有古

栢石佛圖俱千年遺跡

唐福寺

在成安縣西十二里夏陽村唐元和十三

年建明弘治六年重修

匡教寺

在成安縣南二里許曹溪二祖慧可說法

處隋開皇中築臺明嘉靖萬歷崇禎間屢有增修

普賢寺

在成安縣北十五里宋熙寧五年建明弘

治十六年居民張春同僧了清重修

霧觀寺

在成安縣東北十八里有古塔唐天寶間

建明永樂間僧海亮正德間僧元方嘉靖間僧明鳳重修

福勝寺 在成安縣東南三十里明萬歷三年僧可漢重修

洪覺寺 在成安縣西南二十里金大定間建明永樂正德間重修

興國寺 在威縣西二十里元至正二年建

青龍寺 在威縣北唐貞觀中尉遲恭奉勅建

延壽寺

在威縣北六十里唐麟德二年建

灋雲寺

在威縣北五十里元至元二年建

崇馨寺

在威縣北七十里唐隆紀元年建

隆興寺

在清河縣西南相傳隋時建舊有古塔在

寺東宋初重修梵宇弘麗歲久圯廢今前殿壁有

白石佛一高九尺鏤刻精工背刻唐大歷十年造

又東有定光佛基相傳佛藏舍利於北宋吳浚勒

偈記之今尚存

龍行寺 在清河縣謝鑪集相傳定光佛葬於其內

又明武宗遊幸所憇因名

大明寺 在磁州城內相傳蕭梁時建

高福寺 在磁州東三十里唐開元二年建

饗堂寺 在磁州西四十里北齊天統間建凡有穴

處擊之皆鏗然有聲故名

多慶寺 在磁州北二十里後周廣順中建

水谷寺 在磁州北四十里後周顯德二年建

龍鳳寺 在磁州北五十里唐景龍中建

元符禪寺 在磁州東北五十里唐貞觀十六年建

相傳二祖涅槃之所

鳳凰寺 在磁州西南六十里宋時建

梓潼觀 有二一在府學東

本朝康熙十一年重修一在水年縣治東

三清觀 在府城西甕城內

清都觀 在府城西北三十里蘇村唐時建元延祐

間鄆國公重修明萬歷間復修

冲虛觀 在曲州縣治西北隅金大定中建

上清觀 在肥鄉縣西二十里相公莊金元時建

東明觀 在邯鄲縣西南二里元至正間建

迎祥觀 在成安縣治西南金元明各重修

無極觀 在威縣治東北隅金明昌二年蕭仙姑羽

化處

大名府

壓沙寺

在府城東舊城內始建莫考中有梨千樹

宋韓琦留守大名每花時輒造樹下遊賞因命僧

創亭花間曰雪香亭

興隆寺

在府城東舊城內始建莫考佛殿西楹下

有魏宮彈碁局猶文帝時故款也

大安寺

在府城東舊城內宋時建東壁畫真宗幸

大名時儀衛鹵簿及扈從百官首列寇萊公

普照寺

在府城西南隅宋元時在舊城內明永樂

初徙建於此甚弘敞遊人題詠甚盛

興化寺 在府城東舊城西關唐時建

本朝知府周邦彬重修建臨濟塔於內

白佛寺 在大名縣城內西南隅舊名白馬寺宋徽

宗建寧中有佛放光如白馬駕車狀因勅建寺作

浮圖五層極土木之盛金太和間重修後毀於兵

明萬歷間邑人張自西重葺

淨土寺 在南樂縣儒學後明嘉靖間知縣葉本建

石佛寺

在魏縣東南二十里沙口村有石佛像碑

刻甚古剝落不可讀惟天保元年十二月數字書

法道勁

文殊寺

在魏縣西南胡管莊相傳金元以前建規

模宏濶為境內名剎

南焦寺

在東明縣東二十里茅子莊漢桓帝元年

建

資壽寺

在東明縣東二十里唐天寶間建明萬歷

四十二年重修

開元寺 在東明縣西八里宋太平興國中建明永
樂七年重修

高堦寺 在東明縣西十五里唐景德四年建明正
統二年重修

龍骨寺 在東明縣南二十里楊望營前寺為舊清
淨庵宋仁宗改為龍骨寺碑刻尚存

舊賢寺 在東明縣東南六十里漢龐居士練行成

道處唐開元中建寺其地

福興寺

在東明縣東北十五里梁貞明三年建寺

僧猶藏梁時三寶銅印背刻梁貞明三年明成化

間重修

隆興寺

在東明縣西北十五里八照村晉太康元

年建元至正元年修

景元寺

在東明縣西南二十里梁時建元至正間

修

太平興國寺 在開州城隍廟東宋時勅建

本朝康熙十年重葺

延昌寺 在開州東南小濮村後唐時建名法空寺

元睿宗在藩邸嘗駐蹕於此即位後重建改名

雲峯寺 一名延壽寺在開州古定鎮元至正二年

建

上元寺 在開州南慶祖店宋元祐中建

興福寺 在開州南五十里還城村宋太平興國九

年建

青龍寺

在開州南七十里大韓村宋開寶六年建

洪福寺

在開州新店去城數里後周時創建宋明

屢經修葺寺中有碑云寺即宣房之故墟

本朝順治癸巳重修有塔

清涼寺

在開州郭村去城十里唐太和中建中有

石香亭

龍泉寺

在開州清河店北岡上

業修寺 一名壽聖寺在長垣縣東四十里小蓋村

唐天寶八載建有塔宋時造

紙坊寺 在長垣縣東一百二十里紙坊集元賈魯

明陳瑄修河至此皆有碑記

龍泉寺 在長垣縣西北二十里青岡集宋靖國元

年建宣和三年重修

白塔寺 在長垣縣西門內明洪武八年建

壽聖寺 在長垣縣西北十二里

興國寺

在長垣縣西南司家坡宋時建

上院寺

在長垣縣東南二十五里黃門村梁天監

八年建

演道宮

在南樂縣治西北隅

萬安宮

在清豐縣治西北明洪武中建

清真萬壽宮

在清豐縣東二十里武強鎮有碑記

純陽宮

在開州治東南

萬壽宮

在開州儒學東元泰定二年修

潛德觀 在開州城內宋太祖太宗微時嘗寓澶淵

城中有邸舍後御店徽宗時改觀以潛德名

崇真觀 在長垣縣治東北隅元至正八年建明洪

武中重修

小青觀 在長垣縣東二十里小邢村

宣化府

普化寺 在府城

彌陀寺 在府城

昭化寺

在萬全縣

康濟寺

在萬全縣城北里許

觀音寺

在龍門縣

普濟寺

在龍門縣東北隅明正統十四年建

本朝康熙十一年二月

欽賜香燈銀兩

廣慈寺

在懷來縣順治五年建康熙三十五年

聖祖賜額又佛殿內

御書弘慈普祐四字匾額寺內建有

行宮五十九年奉

勅重修

慶壽寺

在懷來縣明成化中修舊名竹林弘法寺

奉化寺

在懷來縣螺山下明天順間建

通濟寺

在懷來縣東明嘉靖間修

延福寺

在懷來縣西門月堤上遼建

松峯寺

在懷來縣南三十里

大佛寺 在懷來縣

金河寺 在蔚州城東五臺山下明洪熙中建

玉泉寺 在蔚州

雙松寺 在蔚縣

新寺 在蔚縣

慶祥寺 在懷來縣

昭化寺 在懷來縣

延聖寺 在懷來縣

地藏寺 在懷安縣

靈昭寺 在延慶州治東南金時建名觀音寺明宣

德中重修改今名

黃栢寺 在延慶州北十八里冠帽山之麓

神仙苑寺 在延慶州

西巖寺 在延慶州城西北二十里大海陀山之麓

應夢寺 在延慶州

德化寺 在保安州

延壽寺

在保安州

靈山寺

在保安州南一百五十里金泰和八年建

靜海寺

在赤城縣西南隅明景泰四年建

瑞雲寺

在赤城縣西海冶堡

鎮疆寺

在赤城縣獨石城西北隅明正統七年建

龍安寺

在保安州永寧衛北十五里元時建有幽

巖禪師塔

永福寺

在懷安縣紫溝堡

永安寺 在西寧縣順聖西城南里許遼時建

本朝順治五年邑人李濬重修並創藏經閣

大覺寺 在西寧縣順聖西城内元泰定七年建明
天順中修

千佛寺 在西寧縣順聖西城東南二里本金羅漢
院舊址明弘治癸亥重建

永寧寺 在府城東南雞鳴山後遼時建元至元二
年修明永樂間重修

九宸宮

在保安州

崇真觀

在懷來縣北城上

瑞雲觀

在懷來縣南三十里

元真觀

在蔚州

清虛觀

在西寧縣東城大王山絕頂上觀中有泉

遇旱禱之即應今觀毀土人於故址建龍神廟

儲祥觀

在保安州城東南二十里元時建明宣德

間重修

天成觀

在保安州永寧衛東北二十里明宣德十

年建

緡陽觀

在保安州永寧衛緡陽山麓遼統和十三

年建

靈真觀

在赤城縣雲州城西南十五里金閣山中

元時建出觀門不一里有塚塚前一坊大書祁真

人蟬脫處有元學士李謙碑記

本朝康熙十一年二月

金修葺

朝陽觀

在赤城縣滴水崖堡西北三里明正統七

年建

大道觀

在西寧縣順聖西城外明嘉靖中建

易州

華嚴寺

在州西南二十五里隋開皇中建

開元寺

在州治東唐時建

興國寺

在州東北一里宋太平興國中建

上雲集寺 在州東北三十里遼壽昌五年建

龍興寺 在州東元張柔建

水月寺 在州城內

東寺 在涑水縣治東南隅金大定中建

白楊寺 在涑水縣西北石泉城寺側林木交蔭叢

杪隱景沙門釋澄建刹於其上

太平寺 在廣昌縣西門外舊在縣治西明天啟初

邑人梁大材移建於此

千佛寺

在廣昌縣東明邑人周訓辛應魁等建

閣院禪林

在廣昌縣治北街俗名大寺東漢時創

建唐尉遲恭重修有碑記置僧會司於內

玉皇閣

在廣昌縣北城門上明嘉靖中指揮孫安

改建

本朝順治十三年重修

冀州

萬安寺

在州城內

泰寧寺 在州治東北初為草庵在城北宋太祖潛

邸時曾游此建隆中遷建元成宗大德八年重修
至正末兵廢明洪武二十二年重建

本朝順治中貢生梁芳遠重修立碣

開元寺 在州治西北隋名覺觀寺唐易今名

五花寺 在州境韓家莊宋太祖開寶二年建明景

泰八年重修

清涼寺 在州境謝家莊村西五里即今之韓村明

成化間重建

天界寺 在州境伯牙莊宋太祖開寶八年建明成

化十八年重修

洪濟寺 在南宮縣西二里有石刻千佛款式皇祐

四年字明弘治五年重修

興復寺 在南宮縣城西南隅後趙時建宋太平興

國更名慶和元明重修

石佛寺 在南宮縣西北七里相傳唐垂拱時建

普明寺

在南宮縣西南三十里金大定間賜名

報恩寺

在南宮縣東南三十里高村唐貞觀十四

年建宋太平興國中重修明正統中再修

重興寺

在南宮縣東南四十里孫村元至正戊午

建明宣德庚午重修

興國寺

在新河縣城東濠外有聖僧大覺遺像

保寧寺

在新河縣西金明昌中建元明重修

崇寧寺

在新河縣西北元至正中建

興福寺

在棗強縣治南明洪武中建

興國寺

在武邑縣治東明宣德中建

棲禪寺

在武邑縣西關外遼天祐中建

雲齊寺

在武邑縣西南十八里唐天寶中建

寶雲寺

在衡水縣城內馬廠街唐貞觀中建

龍泉寺

在衡水縣李家園元至正中建

普彤寺

在南宮縣舊城漢明帝永平十年建唐貞

觀四年重修有唐時斷碑大耳禪師建塔高十餘

丈又有定覺寺亦在舊城唐貞元時建

大通庵

在州治北宋崇寧間建舊藏徽宗墨蹟

紫雲觀

在州治東北一名邊仙姑觀唐初建

岱嶽觀

在州治東北元至正中建

趙州

古佛寺

在州治東南即栢林禪院金大定中建中

有唐從諗禪師遺塔

本朝雍正十一年奉

勅重修

卷五十二

開元寺

在州治西南宋景祐間於寺中建石塔

西林寺

在州境宋村元至正八年建

清河寺

在州境營兒村宋元祐中建

大乘寺

在州境陽明村遼天祐中建

白雲寺

在州境白溝村元至正中建

崇光寺

在栢鄉縣治東明正統中建

玉臺寺

在栢鄉縣東相傳隋時建所存石幢甚古

神應寺 在栢鄉縣治西金大定中建

石佛寺 在隆平縣治東宋時建

萬善寺 在隆平縣舍落口村魏武定間建

明院寺 在隆平縣東任村隋開皇四年建

崇興寺 在隆平縣閭莊唐天寶中建

弘福寺 在隆平縣西董村唐天寶中建

光業寺 在隆平縣南趙孟村唐開元中建

乾明寺 在高邑縣治西南唐時建寺右有乾明塔

草堂寺 在臨城縣西五十里石壁有字永平二年

重修明時屢經修葺

本朝康熙十年邑人劉忠重修

普利寺 在臨城縣治東北宋徽宗建

追聖寺 在寧晉縣治東唐開元中建

雲臺寺 在寧晉縣安上村唐開元中建

清河寺 在寧晉縣河渠村宋元祐間建

連山寺 在寧晉縣高口村金大定間建

天池寺

在寧晉縣劉村元至正中建

真君觀

在栢鄉縣北門外元至正間建

樂道觀

在隆平縣北元至正間建

昊天觀

在臨城縣石家蘭唐開元中建

遊仙觀

在臨城縣西元至正間建

惠真觀

在寧晉縣治東南唐開元中建

岱嶽觀

在寧晉縣北關明弘治間建

涿州

開元寺 在州舊城內唐貞觀中建

寶光寺 在州東三十五里掌官村元延祐中建

福聖寺 在州東四十里顧顯村唐貞觀中建

清峯寺 在州東五十里小屯村唐天寶中建

天寧寺 在州南三十里舊城里村唐貞觀中建

祥院寺 在州北三十里禪院村宋元祐中建

寶月寺 在州東北五十里唐太和中建

石佛寺 有二一在州南王家牛村一在州東北曹

村俱元至正中建

法寶寺

在州境唐鳳村唐開元中建

大興寺

在武強縣南八里元至正中建

恩重寺

在武強縣堤南村明弘治中建

二泉寺

在武強縣臺頭村元至正中建

五祖寺

在武強縣北十里唐咸通中建

楞嚴寺

在武強縣東北宋政和中建

圓覺寺

在武強縣西南明嘉靖中建

慈氏寺

在饒陽縣東南宋開平間建

福勝寺

在饒陽縣合我村隋開皇中建

上元寺

在饒陽縣孔店村宋政和間建

洪福寺

在饒陽縣固店村唐貞觀中建

頂寧寺

在饒陽縣團里村元至正間建

永安寺

在饒陽縣劉家村宋元祐中建

鐵鼓寺

在饒陽縣落鄉村明天順中建

徐召寺

在安平縣西宋紹聖中建

高福寺 在安平縣治西元至正中建

永慶寺 在安平縣北元至正中建

鐵佛寺 在安平縣治西北元至正中建

明古寺 在安平縣西北元至正中建

神霄觀 在州治西明正統中建

祈真觀 在安平縣北一里隋開皇中建

金真觀 在安平縣西十五里元至正中建

定州

天寧寺 在州城內

毘盧寺 在州治南金大定中建

金橋寺 在州治南金大定中建

開元寺 在州南中有古塔宋咸平中建

海會寺 在州城內

大興寺 在曲陽縣東嘉山東唐天寶間建

慈濟寺 在曲陽縣東慈順村內有靈跡塔元至元

間建

浮休寺

在曲陽縣西水竇澗村

興福寺

在曲陽縣城東漢明帝時建

修德寺

在曲陽縣南宋元祐中建

壽陽寺

在曲陽縣南宋元祐間建

八會寺

在曲陽縣南十八里金明昌間建

明禪寺

在曲陽縣治西南宋元祐間建

圓覺寺

在曲陽縣西北三十里宋元祐中建

永寧寺

在曲陽縣東北唐天寶間建

福聖寺 在曲陽縣

善法寺 在故阜平王快鎮五峯嶺今隸曲陽縣

興化寺 在深澤縣署西創建無攷碑記稱係六祖

曹溪道場唐開元十八年修宋崇寧二年易今名

金天會中重修明正統弘治正德嘉靖間相繼增

修置僧會司於內

大道觀 在州西北元初建

真君觀 在曲陽縣

栢林院 在曲陽縣北四十里



畿輔通志卷五十二